

**HEADLINES**

۱. مرکزی وزیر ڈاکٹر جتندر سنگھ نے کہیو ہے کہ گزشتہ 11 براں مانہ بھارت ایک ٹیکنالوجی ور مینی ملک بن گیو ہے۔
۲. چیف سیکرٹری نے جموں کشمیر مانہ پی ایم وشواکرما یوجنہ گا نفاذ گو جانیزولی وتے قرضہ غا تعلقات تے عوامی آگاہی بدھان ور زور دتو۔
۳. محکمہ تعلیم نے ہدایت کی ہے کہ طلبہ غی جانچ پڑتال کی جے تے سکولان کالجان مانہ نگرانی غا نظام نانہ مضبوط کیو جے۔
۴. عالمی یوم سیاحت گا تہاڑا غا موقع ور محکمہ سیاحت جموں گا 5 علاقان مانہ رنگارنگ تقریب غو انعقاد کرا ریو ہے۔
۵. ایشیا کپ ٹی 20 کرکٹ ٹورنامنٹ غا گروپ 4 مانہ اج شام بھارت غو مقابلو دہنی انٹرنیشنل سٹیڈیم مانہ شری لنکا سنگ وے غو۔

\*\*\*\*\*

**JITENDRA CSIR**

سائنس تے ٹیکنالوجی غا وزیر ڈاکٹر جتندر سنگھ نے کہیو کہ گزشتہ 11 براں مانہ بھارت ایک ٹیکنالوجی ور مینی ملک بن گیو ہے نوی دہلی مانہ کونسل آف سائنٹفک تے انڈٹریل ریسرچ غا 84 واں یوم تاسیس تیں خطاب کرتا واں انہاں نے کہی و کہ ٹیکنالوجی 2047 توڑی ایک ترقی یافتہ بھارت غا ہدف نانہ حاصل کرن مانہ اہم کردار ادا کرے غو انہاں نے سی ایس آئی آر غی تعریف کرتا واں کہیو کہ ادارہ نے پیرا سیٹامول بنان غی دیسی تکنیک تیار کی ہے تے ملک غی پہلی انٹی بایوٹک نیفیتھرومائنس نانہ ایجاد کیو ہے ذرائع ابلاغ سنگ خطاب کرتا واں ڈاکٹر جتندر سنگھ نے اس طرح کہیو۔

\*\*\*\*\*

**CS PM VISHWAKARMA**

چیف سیکرٹری اٹل ڈلو نے اج ایک میٹنگ غی صدارت کی تانجے جموں کشمیر مانہ پی ایم ویشواکرما یوجنہ غا نفاذ غو جانیزولیو جاسکے خاص طور ور رجسٹرڈ مستفیدان واسطے قرضہ تعلق نانہ بدھان ور توجہ دتی گئی میٹنگ غے دوران چیف سیکرٹری نے اس گل ور زور دتو جے کم از کم 70 ہزار تیں 80 ہزار مستفیدان نانہ قرضہ سہولت غا دائرہ مانہ آئیو جے تانجے مالیاتی اداران غے سنگ تعلقات قائم کرغے وے اپنا کاروبار نانہ تجارتی خطوط ور وسعت دے سکین انہاں نے متعلقہ محکمان تے بینکان نانہ ہدایت دتی جے وے قریبی تال میل سنگ کم کریں تانجے قرضان غی منظوری تے بروقت ادانگی نانہ یقینی بنا یو جاسکے۔ عوامی رابطہ غی مضبوط ضرورت نانہ آجاگر کرتا واں چیف سیکرٹری نے افسران نانہ ہدایت دتی جے وے یوٹی گا ہر ایک کونہ مانہ بڑا پیمانہ ور بیداری و آگاہی مہم شروع کریں۔

\*\*\*\*\*

**SED ORDER**

محکمہ سکولی تعلیم غی طرفوں تمام سرکاری و نجی سکولان غے انگ انگ کوچنگ مرکزان نانہ وی سخت ہدایت جاری کی گئی ہیں جے وے تعلیمی اداران غے اندر تے ارد گرد منشیات غا استعمال ور قابو پان واسطے احتیاطی اقدامات اپناویں آکاشوانی جموں گا نامہ نگار غے مطابق اس سلسلہ مانہ جاری سرکلر ہدایات مانہ محکمہ سکولی تعلیم گا

سیکرٹری نے کہیو ہے جے منشیات غا استعمال غو سنگین مسلو سماج مانہہ تشویشناک حد تک پھیل رہی وے حتی کہ سکول جان آلا بچہ وی اس تباہ کن عادت غو شکار ہو رہیا ہیں سرکلر مانہہ کہی و گیو ہے جے منشیات غی عادت مانہہ شمولیت نہ صرف مہارہ طلبہ غی صحت تے مستقبل نابہ خطرہ مانہہ کہلے بلکہ تعلیم غا مقصد تے بنیاد وروی کاری ضرب لاوے۔

\*\*\*\*\*

## SEVA PARV

ملک بھر مانہہ منای یا جان آلا سیوا پرو پہل غے تحت اج ہم تھارے سامنے پیش کراں غا کہ کس طرح مودی حکومت نے بھارت انٹرنیٹ انقلاب غے ذریعے دیہاتاں شہراں تے لوکاں نانہہ جوڈ غے رابطہ نانہہ بدل دیو ہے بھارت نیٹ پروجیکٹ غے ذریعے ایک ڈیجیٹل انقلاب بھارت نانہہ بدل رہیو ہے جہڑو ہن توڑی تقریباً 2 عشاریہ 18 لکھ گراں نانہہ 7 لکھ کلو میٹر لمبی فائبر اوپٹکل کیبل تیں جوڑ رہیو ہے وزیر اعظم نریندر مودی غی جانب تیں شروع کی گئی اس پہل نے دیہاتیاں نانہہ پہلاں تیں زیادہ جوڑ دتو ہے 2014 تیں بعد ڈاٹا غی شروعات غے نال ہی دیہی عوام g غی قیمتاں مانہہ 97 فی صد غی کمی آئی ہے تے 5 ہن ای گورننس صحت تعلیم تے بازاراں توڑی آسانی سنگ رسائی حاصل کر رہیا ہیں۔ اس بارے بولتا واں وزیر اعظم اس طرح کہیو۔

\*\*\*\*\*

## PROG ANN

آکاشوانی جموں غو علاقائی خبراں آلو شعبو ایک خصوصی مباحثہ ور پروگرام نشر کرے غو جہڑو 30 منٹاں غو وے غو پروگرام غو موضوع وے گو بھارت غو عالمی سطح ور عروج یوہ پروگرام سیوا پرو 2025 غی تقریبات غا سلسلہ مانہہ مناہو جارہیو ہے جہڑو 15 ستمبر تیں جاری ہے یوہ پروگرام 27 ستمبر 2025 نانہہ تہاڑی غا ساڈھے 12 بجے نشر کیو جے گو اس پروگرام مانہہ مارا مہمان وین گا اعلیٰ صحافی جناب منو شریوٹس جہڑا پروگرام غا موضوع ور اپنی رائے تے ماہرانہ تجویز سانجہ کریں گا۔ اس پروگرام غی میزبانی کریں غا مارا انکر جگ موہن شرما تے ابھیلاشا شرما سامعین یوہ پروگرام میڈیم ویو 303 میٹر یعنی 990 کلو ہٹز تے ایف ایم 100.3 میگا ہٹز ور سن سکین غا۔

\*\*\*\*\*

## JAMMU TOURISM DAY

جموں گو محکمہ سیاحت پلک عالمی سیاحت گا موقعہ ور مالنسر پتنی ٹاہ بسولی راجوری تے کٹڑہ مانہہ متحرک تقریبات گو انعقاد کرن واسطے تیار ہے یہ تقریبات پینٹینگ ت نارہ لکون گا مقابلہ ماحول دوست چہل تدمی ثقافتی ورثہ تے ٹریکنگ ٹور مانسر جھیل مانہہ کشتیاں گی ریلیاں تے مقامی فنکاراں گی برائے راست کارکردگی گے ذریعے جموں گا برپور ثقافتی تے قدرتی ورثہ گی نمائش کریں غا خصوصی جگلیں مانہہ پتنگ بازی میلہ تے ثقافتی پروگرام بھی شامل ہیں جن غو مقصد پائیداد سیاحت تے مقامی ہنر نانہہ فروغ دینو ہے محکمہ نے سیاحاں طلباء تے مقامی لوکاں نانہہ تقریبات مانہہ شامل ہون تے جموں گی بھر پور ثقافت قدرتی خوبصورتی تے مہم جوئی گی سیاحت نانہہ بڑا پیمانہ ور امکانات تجویز کرن گی دعوت دتی ہے۔

\*\*\*\*\*

## GST REFORMS

گھریلو صارفین تے طلبہ نانہہ بڑی راحت فراہم کرن واسطے حکومت نے ایک اہم قدم چایو ہے تانجے عام آدمی ور بوجھ کھٹ کیو جاسکے تے اس مقصد واسطے بکھ بکھ شعباں مانہہ جی ایس ٹی نانہہ کھٹ کیو گیو ہے جس دور غی جی ایس ٹی اصلاحات غے تحت سٹیشنری اشیاء جس راہ کہ نوٹ بُک گراف بُک شارپنر، پنسل نانہہ مکمل طور ور ٹیکس تیں بغیر کردتو ہے۔ اسے طرح غی کمی جوتا ور وی کی گئی ہے جن غی فروخت غی قیمت 2 ہزار 500 روپیاں تیں زیادہ غی نہیں ہے۔ ان غے نال نال حکومت نے لکڑی پتھر تے دھات تیں بنی مورتیاں ور ٹیکس غی شرح وی 12 فی صد تیں کھٹا غے 5 فی صد کردتی ہے۔

\*\*\*\*\*

## SWASTH NARI

ادھمپور مانپ پلکیں سوستھ ناری سشکت پریوار ابھیان غا 9 واں تہاڑا ور کواتین واسطے برا پیمانہ ور جانچ تے آگاہی پروگرام ہوو مستفیداں غا ہائپر ٹنشن ڈایابٹیز خونگی کمی ٹی بی تے عام کینسر جسراں کہ سروائل پریست تے مَنہ گا کینسر غی جانب کی گئی۔ مُفت ٹیسٹ جسراں کہ بلڈ شوگر ایکس رے تے الٹراساوند وی فراہم کیا گیا خاص مشاورتی مانہہ خوارک بہتر طرز زندگی مانہہ تبدیلی تے ٹی بی تیں بچاؤ بارے زور دتو گیو۔ یاہ مہم تیزی سنگ آگے بدھ رہی ہے۔

\*\*\*\*\*

## ASIA CUP CRICKET

ایشیا کپ ٹی 20 کرکٹ ٹورنامنٹ غا گروپ 4 مانہہ اج بھارت غو مقابلو دہنی انٹرنیشنل سٹیڈیم مانہہ شری لنکا سنگ وے غو یوہ مقابلو بھارتی وقت غے مطابق شام 8 بجے شروع وے گو بھارتی ٹیم پہلاں تیں ہی فائنل مانہہ پُج چُکی ہیں جد کہ شری لنکا باہر ہو گئی ہے اتار نانہہ فائنل مانہہ بھارت تے پاکستان غے ہشکار مقابلو وے غو۔ گزشتہ روز پاکستان نے بانگلہ دیش ناہ 11 دوڑاں تیں برا غے فائنل مانہہ اپنی جگہ بنائی ہے۔

\*\*\*\*\*

## PARA ARCHERY

بھارت نے صوبائی کوریا گا گوانگجو مانہہ پیرا آر چری عالمی مقابلہ مانہہ کٹ توں کٹ ترے تمگاں کی یقین دہانی کرائی ہے جس مانہہ ترے تیر انداز کمپاؤنڈ اوپن زمرہ مانہہ سونا گا میڈیل گا مقابلہ مانہہ داخل ہوا ہیں جموں کشمیر غا راکیش کمار تے تومن کمار مرداں غا آخری مقابلہ مانہہ پج گیا ہیں تے 18 سالہ شینل دیوی نے برطانیہ غی کھیداری نانہہ ہرا غے خاتین گا آخری مقابلہ مانہہ اپنی جگہ بنالی ہے ہُن شینل دیوی ترکیے غی ولڈ نمبر 1 انزر کیور گردی غے خلاف کھیڈیں غی سونہ غا تمغہ غو مقابلو پلکیں وے غو۔

\*\*\*\*\*